



1. decembari 2025

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqqutit:

1. Meeqqat, inuusuttut, inersimasullu naqinnernik ilisarinnissinnaanngitsut ilinnialernissaminnik imaluunniit sulilernissaminnik kissaateqartut tapersersorniarlugit, Naalakkersuisut suliniutinik sunik aallartitsinikuuppat?
 - a. Naqinnernik ilisarinnissinnaanngitsut kikkulluunniit, naqinnernik ilisarinnissinnaannginnertik pillugu ilinniarfinni ilinnialernissaminnut tiguneqannginnissaasa pinngitsoortinneqarnissaa qulakkeerniarlugu, suliniutinik nutaanik sunik Naalakkersuisut pilersaarusiortat?
 - b. Naqinnernik ilisarinnissinnaanngitsut kikkulluunniit, allakkatigut qinnuteqaasiornissaminnut ajornartorsiuteqarnertik patsisigalugu suliffissarsiunngitsuunnginnissaat qulakkeerniarlugu, suliniutinik nutaanik sunik Naalakkersuisut pilersaarusiortat?
2. Majoriami, ilinniarfinnilu allani tiguneqarumalluni misilitsinnerni innuttaasut atuarnissaminnut, allannissaminnullu ajornartorsiuteqartut ilaatinneqartarnissaat Naalakkersuisut qanoq qulakkeerniarpaat?
3. Naqinnernik ilisarinnissinnaanngitsut, allallu allattariarsornikkut ajornartorsiuteqartut allattariarsornikkut piumasaqaatit kisimik patsisigalugit itigartinneqaratik ilinnialernissaminnik qinnuteqarnissaminnut, suliffissarsiornissaminnullu periarfissaqalersillugit malittarisassat, piumasaqaatillu Naalakkersuisut qanoq naleqqussarniarpaat?
4. Tunngaviusumik ilinniarfinnut karakteritigut piumasaqaatinut, tiguneqarnissamullu piumasaqaatinut suliatigut piginnaasaqarlualutik, allattariarsornikkulli ajornartorsiuteqarlutik qinnuteqartunut ullumikkut akimmiffiusunut, Naalakkersuisut sunik isumaliutiginnippat?
5. Inuusuttut atuarfimmi, ilinniarfimmilu akimmiffinnik naapitsiuartut kajumissuseerunnissaat, atugarliulernissaat, atuarunnaarnissaallu pitsaaliorniarlugu suliniutinik sunik Naalakkersuisut ingerlatsiniarpatt?
6. Sammisamut soqutiginarlutik allanik Naalakkersuisut paasissutissiisinnaappat?

(Inatsisartunut ilaasortaq Jørgen Rosbach, Demokraatit)



DEMOKRAATIT

Tunngavilersuut

Isumaqarluinnarpunga nunatsinni meeqqat, inuusuttut, inersimasullu atuarnikkut, allattariarsornikkullu ajornartorsiuteqaraangamik imaluunniit naqinnernik ilisarinnissinnaanngikkaangamik akimmiffinnik naapitsisartut amerlavallaarujussuartut. Naqinnernik ilisarinnissinnaanngitsunut tamakkiisumik ineriartortinneqarsimasumik, atorsinnaasumillu systemeqannginnerup kingunerisaanik piumasaqaateqartoqartillugu, misilitsikkaangamik, qinnuteqaraangamillu innuttaasut kisimiittarput, tamannalu pillugu ilinniaqqinnissartik imaluunniit sulilernissartik ajornartittarlugu.

Assersuutigalugu Majoriami atualerusussagaanni allakkatigut qinnuteqaasiortoqartariaqartillugulu misilitsiffiusariaqartillugu, taava aallartinnissaminnut tapersersortarialinnut malittarisassat atuuttut akimmiffinngortarput. Taamatulli ilinniarfinni kalaallisut allattariarsornikkut karakteritigut piumasaqaateqarfiusuni ippoq, tassani inuussuttut inuiaqatigiit pisariaqartitaannik suliatigut pikkoriffeqaraluarlutik, suliatigullu piginnaasaqarluaralutik tigusaanngitsoorsinnaasarmata.

Ilinnialersinnaassagaanni, sulilersinnaassagaannilu kukkuneqanngitsumik allassinnaanerup apeqqutaatinneqannginnissaata, kisiannili suliaqarfimmi ilinnialerfigiomasami imaluunniit suliffigiomasami kajumissuseqarnerup, pikkorissutsip, piginnaasallu apeqqutaatinneqarnissaasa qulakkeerneqarnissaa pisariaqarluinnartutut isigaara. Taamaattoqassappat naqinnernik ilisarinnissinnaanngitsut, allallu atuarnikkut ajornartorsiuteqartut ilinniarfinnut pineqartunut qinnuteqaasiornissaminnut il.il. atatillugu pisariaqartumik tapersersorneqartariaqarput.

Ilinnialersinnaanngikkunik imaluunniit sulilersinnaanngikkunik, tapersorneqanngikkunillu inuusuttut imminnut, periarfissaminnullu upperinninnerat ajorseriaratarsinnaavoq. Ilaasa nikalluallaatigisinnaavaat, kajumissuseerussutigisinnaallugulu, taakkualu ilinnialernissamut, atugarissaarnermut, siunissamilu sulilernissamut periarfissanut annertuumik kinguneqarsinnaallutik. Tamanna pillugu ingerlariaqqikkusuttunut systemi akimmiffiunani, iluatsinnissaanut tunngavissiiinissaa aalajangiisuuvoq.

Naqinnernik ilisarinnissinnaanngitsunut Naalakkersuisut qanoq suliniutinik annertusaaniarnerinik, ilinniarfinnut isernissamut aqqutiniq eqaannerusunik qulakkeeriniarnerinik, inuusuttullu aamma inersimasut periarfissaminnik ullumikkut atuinissaannut akimmiffiusunik akimmiffiujunnaarsitsiniarnerinik paasinninnissaq apeqqutini siunertaavoq.

Apeqquteqaatinnut akissutit piffissaliussap ullut suliffiusut qulit iluini tigunissaat qilanaaraara.